

**PLAYA PABOU A RESPONDE
GRANDEMENTE NA E AC-
CION DI LIMPIESA DI BAKI
DEN BARIO**



WWW.SOLODIPUEBLO.COM



SOLODIPUEBLO@GMAIL.COM

ACCIDENTE SERIO RIBA CAMINDA DI SAVANETA



**HOBENCITA[14]
CU TAWATA TIN
MENOS BON
INTENCION
TA DEN I.C.U**

CAMBIO DI CLIMA TA UN RIESGO EXISTENCIAL PA ECONOMIA Y COMUNIDAD DI ARUBA



LASONAN FUERTE: ARUBA Y BONEIRO UNIENDO HUNTO POLICIALMENTE



VEHICULO NA WARDA DI POLISNAN TA BAY NA FINDISHI



ARUBA BANK A ORGANISA UN INSPIRANTE “SUMMIT” PA TUR EMPLEADO “REIMAGINING WORK WITH AI” CU AMELIA KALLMAN

Oranjestad, Aruba — 14 di november, 2025 — Aruba Bank a tene su Summit 2025 na Gloria, reuniendo tur empleado pa un atardi dedica na innovacion, cooperacion y e futuro di trabao. E tema di e aña aki, “Reimagining work with AI”, a pone atencion riba e rol creciente di intelgencia artificial y con e ta forma parti di e manera cu nan ta traha, pensa y crece como un organisacion.

E presentacion principal tabata pa Amelia Kallman, futurista internacional y reconoci como un di e top lidernan mundial den tecnologia nobo. Su presentacion dinamico y inspirante a explora e manera cu AI ta transforma industria global, e oportunidadnan cu e ta crea pa organisacionnan manera Aruba Bank, y con empleado por tuma e liderazgo den e cambio



positivo. Kallman su bista claro a inspira e empleadonan pa pensa mas creativo, puntra asumpcionnan, y mira dilanti pa con AI por eleva tanto experiencia di cliente como operacion interno. E a enfatsa importancia di innovacion central

riba e humano, usa AI pa empodera hende, no pa reemplasa nan.

Despues di e presentacion, empleadonan di tur departamento a disfruta di un “mingle hour”, unda nan a comparti idea, conecta cu otro, y papia tocante e

posibilidadnan presenta durante e “Keynote”.

E sesion di networking a reforsa compromiso di Aruba Bank pa stimula un cultura di innovacion, aprendizage continuo y colaboracion. Aruba Bank ta gradici

tur empleado pa nan participacion y dedicacion continuo pa forma e futuro di nan organisacion.

E Summit 2025 ta marca un otro paso den nos vision pa crea un lugar di trabao mas inteligente, agil, y inspirante.



HOBENCITA[14] CU TAWATA TIN MENOS BON INTENCION TA DEN I.C.U

Caya G.F.BETICO CROES - Diasabra anochi polisnan y ambulance a bay den caya grandi, unda cu un damita[14] tawata tin mal

intencion cu su curpa.

Informacion oficial, ta cu manera polis a yega y mira e situacion a actua y pase

over pa ambulance, unda cu nan a habri caminda pa ambulance yega mas lihe posibel Hospitaal.



E hobencita su situacion ta delicado y ta den I.C.U .


ACCIDENTE SERIO RIBA CAMINDA DI SAVANETA PA CURA CABAY



Cura Cabay - Diasabra anochi 7'or pasa tanto polis, ambulance y brandweer a

bay riba caminda principal di Savaneta pa Cura Cabay.

Eynan informacion tawata drenta di un accidente serio, unda cu



auto a "bolter" y lo tawata sacando huma.

Ambulance cu a yega a atende cu e heridonan.

Na yegada, polisnan ta topa cu un auto riba su banda, tawata trata di un Suzuki Jimny y otro ta un Daihatsu Cuore.

Polis di trafico a presenta y caminda a keda cera pa basta rato, debi cu ambos auto tawata kibra memey caminda.



VEHICULO NA WARDA DI POLISNAN TA BAY NA FINDISHI

Santa Cruz, ARUBA: Cuerpo Policial Aruba ta anuncia cu segun artikulo 31 lid 1 di Landsverordening Wegverkeer (AB1997no.18) lo tin un catalogusveiling (catalog di findishi), pa vehiculonan (auto y brommer)

cu tin mas cu 90 dia y/of a pasa e termino aki y cu durante e ultimo 'kijkdagen' organisa pa KPA e doño no busca su vehiculo y no a cumpli cu e parti legal como doño.

E findishi lo tuma lugar den forma di un catalogo di findishi. Esaki ta nifica cu interesado por haya informacion

adelanta den e catalogo digitalmente cu lo ta disponibel riba e website di Recovery Solutions & Investigations (RSI) cu ta www.rsiaruba.com.

Den e catalogo ta inclui e vehiculo cu ta na findishi, cu su number di identificacion, marca, modelo y otro aspectonan cu ta relevante. RSI lo tin e formulario pa e vehiculo na findishi digital riba su website of por pasa busca e formulario na oficina

di RSI cu ta situa na Avenida Milio Croes 40-A na Oranjestad.

E catalogo cu tur e informacion y instruccionnan lo ta disponibel pa publico desde 14 november 2025 te cu 1 december 2025 pa 4:00



pm riba e website www.rsiaruba.com

E vehiculonan lo wordo bendi manera nan ta ("as is") sin ningun garantia y tampoco por debilbe bek. Interesadonan ta hay oportunidad pa wak e vehiculonan ariba e dia y ora stipula manera menciona den e catalogo;

Warda di Polis Noord y Santa Cruz :

Warda di Polis San Nicolaas y Balashi:

18 y 19 november 2025; 10:00am pa 2:00 pm.

20 y 21 november 2025; 10:00 am pa 2:00 pm.

Desde 18 november 2025 di 08:00 am te cu dia 1 december 2025 pa 4:00pm ta e periode cu por manda oferta "Bid".



E lugar pa entrega esaki ta na Recovery Solutions & Investigations (RSI) situa na Avenida Milio Croes 40-A of

por mande via e-mail na collections@rsiaruba.com. Pa mas informacion por tuma contacto cu Recovery

Solutions & Investigation (RSI) na telefoon 6404545/ Whatsapp 7314646 of e-mail collections@rsiaruba.com

LASONAN FUERTE: ARUBA Y BONEIRO UNIENDO HUNTO POLICIALMENTE

Santa Cruz, ARUBA: E Cuerponan den region Caribense conoce hunto un historia largo y bunita. KPA (Korps Politie Aruba) y KPCN (Korps Politie Caribisch Nederland) ta expolorando con lo por fortalece mas ainda e colaboracion den e cuerponan. Enconexon cu esaki altocomisario di polis sr.Ramon Arnhem a haci un bishita recientemente na KPCN na Boneiro. Altocomisario Arnhem a topa cu altocomisario di Boneiro sr.Alwyn Braaf. Tambe hefe di departamento di comunicacion di KPA sra. Liliana Rasmijn tabata presente pa e encuentro aki. Hunto a cera conoci cu diferente departamentonan cu ta resorta bao di KPCN. Durante bishita di trabao



e departamentonan di comunicacion di Aruba y Bonairo a ser conoci cu otro y intercambia ideanan pa loke ta e tema aki.

Esaki ta un di e prome

bishita den region. Pronto lo haci mas bishita di trabao na diferente Cuerponan den region.

Un danki na altocomisario sr.Alwyn Braaf di KPCN

pa su cordialidad como tambe un bon programa hinca den otro pa e bishita cortico pero fructifero. Altocomisario Arnhem y hefe di departamento di comunicacion

di KPA sra Rasmijn ta agradecido pa por a ser conoci, intercambia informacion y ideanan na diferente departamentonan na KPCN.



CAMBIO DI CLIMA TA UN RIESGO EXISTENCIAL PA ECONOMIA Y COMUNIDAD DI ARUBA



Recientemente un informe nobo y importante ta subraya cu cambio di clima ta un riesgo existencial pa Aruba, y cu su economia, infraestructura critico, y salud publico tur ta enfrentando riesgonan severo. E estudio amplio di Stimson Center ta identifica un combinacion alarmente di un naturalesa cu ta bayendo atras, un presion social intenso riba comunidad, y un economia cu ta depende di mas riba turismo tradicional.

E informe, "CORVI: Midiendo Riesgonan Climatico Multidimensional na Aruba," ta duna un evaluacion di henter e isla basa riba diferente factor di riesgo ambiental, social, y economico. E ta conclui cu subida di nivel di lama, olanan di calor y segura mas intenso, y erosion di costa ta menasando casi tur aspecto di bida na Aruba.

E estudio ta muestra e dependencia pisa di Aruba riba turismo como su

vulnerabilidad economico mas grandi. E industria ta representa mas cu 70% di e economia di e isla y mas cu 85% di tur cupo di trabou. E modelo di turismo aki cu ta dependende di nos naturalesa y cu ta concentra na costa ta laga e nucleo di e economia expone na un manera peligroso pa tormenta, inundacion, y erosion.

Ademas e estudio ta muestra cu nos naturalesa di cual e turismo di Aruba ta depende a bay hopi atras. E informe a duna un score di "riesgo halto" na e salud di e rifnan di coral existente y e cantidad di mondi di mangel. E ecosistemanan aki no ta djis un atraccion pa turista; nan ta e "liñanan di defensa" vital di Aruba contra tormenta, ola y inundacion. Mientras cu nan ta wordo dañá pa desaroyo na costa, Aruba a bira mas vulnerabel pa daño di tormenta.

E informe ta destaca tambe riesgonan social y di salud urgente cu e comunidad




Arubano ta enfrentando. E "densidad di poblacion" y "presion social" di e Aruba a ricibi un score di riesgo halto. E crecimiento aki ta concentra den zonanan costero vulnerabel, poniendo presion riba servicionan publico manera tratamiento di awa sushi y empeorando e "efecto di isla di calor urbano". Aruba ya caba ta un di e paisnan mas cayente na mundo. E

calor aki ta un menasa directo pa salud publico, specialmente pa e adulto mayor y hende cu ta sufri di maleza cardiovascular. E informe ta urgi gobierno y comercio pa tuma accion inmediato y integra. E ta haci un yamada na sector publico, sector priva, y sociedad civil pa traha hunto y inverti den restauracion di ecosistema, implementa un plan di desaroyo teritorial solido

cu ta tene cuenta cu desaroyo social, y fortalece e economia door di adapta y fortifica resiliencia climatico di nos sector turistico y comercial.

E informe completo ta disponibel riba website di e Consejo Nacional di Resiliencia Climatico: https://ncrc-aruba.org/documents/20241103A/Stimson_Report_Aruba_10.29.25_Web.pdf



KABA TA KUMINSÁ: UN KOLEKSHON DI POESIA KURASOLEÑO PA BIBLIOTECA

'Kaba ta kuminsá' ta un coleccion special di poema di 9 poeta di Corsou na dos idioma. Edita pa: Nifa Ansano y Juan-Carlos Goilo. E obra a keda ilustra pa Alejandra Cijntje (Poeta y ilustrador).

Un di e poetanan ta Katiuska Quiñones. Biblioteca Nacional Aruba a invita Katiuska pa ta parti di e Festival di Buki pa Mucha e aña aki. Katiuska tin diferente talento y ela bay duna presentacion na scol henter e siman aki. Nos ta hopi contento cu su bishita y su presentacionnan interactivo pa mucha. Katiuska sa di capta e

atencion di e muchanan y keda den combersacion cu nan.

'Kaba ta kuminsá' ta un coleccion di poema di e poetanan: Alejandra Cijntje, Christine Krolis, Dilara Tramm, Katiuska Quiñones, Mayrond van Lamoen, Nataly Burgzorg, Ralph Winedt, Ruthviena Pietersz, Vesuhely Americaan

Kaba ta kuminsá: un kolekshon di poesia Kurasoleño = Eindeloos weer geven: een verzameling Curaçaose gedichten. ISBN 9789066652002



<https://www.bibliotecanacional.aw/pages/teater-di-popchi-maletin/>

DESPUES DI LO A BIRA MALO, TA NENGA ASISTENCIA MEDICO

Savaneta - Diasabra anochi polis a bay atende un incidente altura di ICE BERG.

Polis a topa cu un auto y den dje un meneer di edad. E tawata desorienta y malo.

Mesora polis a pidi pa ambulance.

Paramediconan cu a



yega na e sitio a papia cu e cabayero y asina despues opta pa e bay cu nan.

Pero, na final e meneer a cambia completamente y a nenga tur ayudo di e Paramediconan.

ASINA TA LABA PLACA CU TA BINI DI ACTIVIDADNAN CRIMINAL

Practicamente 70% di e gruponan criminal den Union Europeo ta usa formanan basico di laba placa, mientras e resto ta colabora cu rednan profesional of banconan clandestino. Aunke operacionnan policial a confisca miyones di e bandanan aki, ta calcula cu nan ta representa solamente 2% di nan entrada anual. Pues tin 98% cu a keda draai keto bay.

E agensia di Union Europeo pa Cooperasion Policial (Europol) a caba di publica un reportahe "the other side of the coin", un analisis di criminalidad financiero y economico den UNION EUROPEO. E informe ta detaya con e gruponan criminal aki ta logra laba e placa cu ta bin di e actividadnan ilegal. Pa esaki nan ta usa figuranan profesional, empresarionan individual of rednan cu ta ofrece nan servicio na cambio di un tarifa.

Nan ta usa e spectrum di hermentnan y tecniconan di laba placa, maneha e proceso completo, for di cobranza di placa te na entrega oportuno y global di activo limpi (placa laba) den tur forma. E tarifa ta basa riba comicion y ta 5 pa 20% di e suma cu wordo laba y ta varia segun e origen geografico y destino di e fondonan.

Aunke tin personanan rond mundo ta relaciona cu e profesionalnan aki, Europol ta destaca e caso di e rednan chines, cu ta traha como colector di cash y mensaheronan den henter e territorio comunitario, probechando companianan di transporte legal pa transporta placa scondi entre e mercancia of den compartimentonan oculto.

Nan ta actua tambe como coredonan cu ta ofrece seguro y responsabilidad pa e



transferencianan internacional. Nan ta traha contratonan y entre e partinan y por transferi un cantidad grandi sin movicion fisico di placa transformando e placa den productonan di base y forma di compensacion danki na e magnitud di comercio entre Union Europeo y China.

IVTS:

Un di e formanan mas usa pa laba placa ta e sistema informal di tranferencia di balor (IVTS), tambe conoci como banco clandestino, cu ta permiti cu e fondonan ta pagabel na un tercer parti, na un otro pais geografico pafo di supervision. Por ehempel, "hawala" (for di e palabra arabe transferensia of kabel) ta un TIPO di IVTS ku trahadornan stranhero ta usa pa manda placa pa nan famia, pero cu ta wordo usa mas y mas pa e gruponan criminal pa move e placa.

Otro sistema ta e uso di mula pa transporte fisico di cash. Den hopi

caso ta trata di personanan cu ta accepta di carga placa; denotonan, e retonan di labamento di placa ta transferi placa na cuenta personal di emulanan aki. Investigadornan a descubri reclutamento masivo di estudiante, inmigrante of persona den situacion di vulnerabilidad via rednan social.

Uso di Comercio:

Finalmente, Europol ta enfatisa labamento di placa basa riba comercio (tbml), un forma cu ta usa proceduranan di comercio di exterior pa move fondo usando dato di factura y documentonan falso. Delincuente ta establese structuranan comercial cu ta opera cu producto manera vehicula segunda mano, metal, paña, equipo, material di construccion, arte, cabay, concierto, etc. etc.

E sistema aki ta ensera diferente etapa. Na prome lugar, e fondonan ta ser transforma den productonan comercial pa laga pasa lago algo legitimo. E ta ser hiba na e sector

financiero sin atrae atencion di e autoridadnan. Tambe e por sirbi como un sistema di factura falso. E problema ta ku e metodo aki ta rekeri un cantidad grandi di placa adelanta pa cumpra produkto pa haci comersio, pa loke solamente esnan involvi den actividadnan altamente rentabel, manera trafico di droga, por finansia.

Mas ku 4 biyon

Segun e informacion cu Europol a risibi for di 24 estado miembro, e balor di e activonan confisca den UE tabata por lo menos 4.100 mion euro pa aña na 2020 y 2021, loke ta muestra ku e confiscacionnan a redobla casi for di e periodo 2010-2014, ora e cifra averahe pa aña tabata di mas o menos 2.400 mion euro.

Loke mas a ser confisca tabata placa, sigui pa cuenta bancario y vehiculo, y lo menos frecuente tabata accion, oro, bienes mobiliario (incluyendo barconan) y activo digital.

PLAYA PABOU A RESPONDE GRANDEMENTE NA E ACCION DI LIMPIESA DI BAKI DEN BARIO

“Un satisfacion enorme di por mira e fila largo yega y asina haci uzo di e oportunidad pa deshaci di nan desperdicio”, ta locual Prome Minister Mike Eman a expresa diasabra mainta den e accion di limpieza den bario, Baki den Bario cu a tuma luga e fin di siman aki na Playa Pabou.

Conhuntamente cu diferente departamento y instancia involvi cu e proyecto aki, a mira un biaha mas e exito di e iniciativa aki, pa asina yuda e comunidad deshaci di desperdicio di nan cas, den bario y/of compania y den e forma aki contribui na e limpieza di nos isla. Premier Eman a indica tambe un biaha mas riba e peticion di comunidad pa mira un solucion permanente pa locual ta trata e problematica di sushi, ta consciente cu aunke e esfuerso aki a yuda, no ta



tur hende ta haya e oportunidad di por deshaci di sushi na e fechanan apunta, pero mas bien kier mira un luga fiho pa por haci esaki durante siman tambe si ta posibel. Pa e motibo aki mes, gobierno ta trahando riba un solucion, un proyecto grandi conjuntamente cu Minister Wendrick Ci-

cilia, como tambe ATA pa asina logra establece seis localidad permanente riba nos isla, destina cu baki pa deshaci di desperdicio y habri 24/7. Mientrastanto ta keda brinda e servicio na e comunidad cu e accion di Baki den Bario, cu e biaha aki tabata na Playa

Pabou, na Centro di Bario Playa Pabou. Gran cantidad di vehiculo a presenta for di oranan tempran di mainta y di diferente area den vecindario, manera entre otro di Madiki, Rancho, Bushiri, Companashi como tambe Playa Pabou.

Tambe a anuncia durante

siman cu lo intensifica e accion di Baki den Bario caminda a agrega fecha extra mirando cu e temporada di fin di aña ta acercando. Fecha adicional pa Baki den Bario lo ta 29 di november na Paradera, 6 di december na San Nicolas y 13 di december na Barcadera.



CARE CARIBBEAN: VERBINDING IN DE ZORGSECTOR IS CRUCIAAL AMSTERDAM, 16 NOVEMBER 2025

Om de Caribische zorg- en welzijnssector verder te ontwikkelen is een stevigere verbinding tussen werkgevers en potentiële werknemers van cruciaal belang. Dat bleek zaterdag 15 november tijdens de 3e editie van CARE Caribbean, een tweejaarlijks netwerkevent met banenmarkt dat specifiek gericht is op zorgprofessionals en studenten met interesse in een carrière op Bonaire, Saba, Sint Eustatius, Curaçao, Aruba of Sint Maarten. Caribische studenten en professionals en de diaspora in Nederland hebben anno 2025 nog steeds veel behoefte aan duidelijke informatie over hun toekomstperspectief op de zes eilanden van het Koninkrijk. Dat bleek tijdens het plenaire programma van het event waarin in drie verschillende blokken met panelsprekers werd gesproken. Thema's

die aan bod kwamen waren: de behoefte aan een immigratiebeleid om binding met de eilanden te stimuleren, ontwikkelmogelijkheden voor zorgprofessionals op de eilanden en manieren om terugkeer en braingain te bevorderen.

Aan de wil om in de zorg en/of welzijnssector te gaan werken ligt het niet. Meer dan de helft van de aanwezigen tijdens het plenaire programma van het event geeft aan graag op een van de eilanden te willen

werken. Ondanks het digitale tijdperk is het voor velen echter nog steeds niet eenvoudig om een helder beeld

te krijgen van carrière- en ontwikkelmogelijkheden op de eilanden. Er blijkt veel behoefte aan een sterkere verbinding en aan overzichtelijke informatie, zodat werknemers en werkgevers elkaar beter weten te vinden.

Die verbinding wordt daarna meteen in de praktijk gebracht tijdens de banenmarkt en speeddates tussen

werkgevers en potentiële werknemers. Op de banenmarkt zijn zeven werkgevers uit Bonaire en twee uit

Curaçao aanwezig om vacatures onder de aandacht te brengen en om nieuwe contacten en inspiratie op te



doen. Daarnaast is er een rijk gevulde vacaturewall met vacatures van werkgevers uit Sint Maarten, Curaçao en Bonaire die niet live aanwezig konden zijn. CARE Caribbean wordt georganiseerd door Stichting WeConnect en AMA en werd mogelijk gemaakt door een bijdrage van het ministerie

van Volksgezondheid, Welzijn en Sport (VWS) in Nederland. WeConnect is een educatieve stichting die zich inzet om het Caribisch deel van het Koninkrijk (Curaçao, Aruba, Sint-Maarten en de BES-eilanden) te verbinden met het Europees deel van het Koninkrijk (Nederland). De

hoofddoelgroep bestaat uit Caribische studenten en (young) professionals in Nederland. AMA is de vereniging van Caribische zorgprofessionals in Nederland. De vereniging heeft als doel het verbinden van alle (bio)medische, farmaceutische en

Clasificados

CLASSIFIEDS

SOLODIPUEBLO@GMAIL.COM
CEL. 585 9500

SOLO De Pueblo

Minister Wever: DIRECTIE FINANCIËN TA LANSA SU WEBSITE

Oranjestad, 13 di november 2025 – Minister Geoffrey Wever ta anuncia cu recientemente Directie Financiën cu orguyo a lansa su website oficial: www.finance.gov.aw. Un plataforma digital cu ta representa un paso importante den e compromiso continuo di transparencia, comunicacion efectivo y servicio na e comunidad Arubano.

“Mi ta sumamente contento cu e paso importante aki, cu e website aki nos ta promove transparencia y nos ta eleva nos servicio na comunidad”, segun Minister Geoffrey Wever.

Un fuente central pa informacion E website ta presenta un diseñomodernoyfuncional cu ta facilita acceso rapido na informacion esencial tocante e rol, tarea y servicionan cu Directie Financiën ta ofrece. A traves di e website, tanto ciudadano y empresa, como institucionnan gubernamental y internacional por haya informacion actualisa tocante maneho di finanzas publico, proceso presupuestario, y demas aspecto relaciona cu e funcion financiero di nos pais.

Accesibilidad pa un y tur Directie Financiën a enfoca pa crea un plataforma


accesibel y facil pa usa, cu ta permiti tur bishitante haya informacion tocante finanzas publico di manera claro y comprensibel. E website ta inclui publicacionnan financiero, un seccion di preguntanan frecuente y informacion di contacto, cu ta fortifica un comunicacion mas directo entre Directie Financiën y comunidad.

Compromiso cu modernisacion y bon servicio E lansamento di e website ta parti di un esfuerzo mas amplio pa modernisa e manera den cual gobierno ta comparti informacion y ta brinda servicio na e ciudadano. Directie Financiën ta compromete pa sigui usa tecnologia pa aumenta transparencia,

eficiencia y confiansa den maneho di finanzas publico di Aruba.

Disponibel pa tur bishitante E website www.finance.gov.aw ta disponibel den tres idioma y ta sirbi como un punto central pa informacion oficial di Directie Financiën.

Cu e paso aki, Directie Financiën ta reafirma su compromiso pa sigui fortifica un sistema di finanzas publico responsabel y transparente na beneficio di comunidad henter. Minister Geoffrey Wever ta gradici y felicita full e departamento di Directie Financiën y especialmente director Sr. Derrick Werleman cu e paso importante aki.



		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia - November 16, 2025	
CATOLIC Sorteo # 4805 5786 6314 8946		LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12.00 300.000,-	
MULTI-X X3 BIG 4 Sorteo # 4805 6066 X2 DFF Sorteo # 2861 2946		LOTTO DIA Sorteo # 7011 0 x Jackpot 3 x Match 4 100 x Afl. 8.00 78.000,-	
ZODIAC Sorteo # 4805 1595 Tauro LUCKY 3 Sorteo # 1679 084 X2		MEGA Sorteo # 0 x Jackpot 0 x match 4 0 x Afl. 500.00 0 x Afl. 50.00 0 x Afl. 15.00 250.000,-	
		MEGA PLUS Afl. 350.000,-	

		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia - November 16, 2025	
CATOLIC Sorteo # 4805 5786 6314 8946		LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12.00 300.000,-	
MULTI-X X3 BIG 4 Sorteo # 4805 6066 X2 DFF Sorteo # 2861 2946		LOTTO DIA Sorteo # 7011 0 x Jackpot 3 x Match 4 100 x Afl. 8.00 78.000,-	
ZODIAC Sorteo # 4805 1595 Tauro LUCKY 3 Sorteo # 1679 084 X2		MEGA Sorteo # 0 x Jackpot 0 x match 4 0 x Afl. 500.00 0 x Afl. 50.00 0 x Afl. 15.00 250.000,-	
		MEGA PLUS Afl. 350.000,-	

BARBERA WOLFENSBERGER DIRECTEUR-GENERAAL KONINKRIJKSRELATIES BIJ BZK

Barbara Wolfensberger, direktor-general di Relashonnan den Reino na BZK

Barbara Wolfensberger ta bira direktor-general di Relashonnan den Reino na e ministerio di Asuntunan Interno i Relashonnan den Reino. Konseho di minister a bai di akuerdo ku e proposishon di minister Rijkzaat di Asuntunan Interno i Relashonnan den Reino pa esaki. E nombramentu ta drenta na vigor entrante promé di febrüari 2026.

E direktorado general di Relashonnan den Reino (DG KR) ta responsabel pa kolaborashon entre Hulanda i paisnan Aruba, Kòrsou, Sint Maarten i e islanan Boneiru, Sint Eustatius i Saba. Aki ta trata di konseho di maneho i sinkronisashon interdepartamental i e planifikashon, elaborashon i ehekushon di programa- i proyektonan di stimulashon riba e tereno aki.

E tarea pa e direktor-general di Relashonnan den Reino pa ku esaki ta pa denter di e kolaborashon aki, pa e añanan benidero, trese fasilidatnan manera bibienda, ret di kayanan i desaroyo di barío riba e islanan na nivel i pa engrandesé e resistensia i independensia ekonómiko di e islanan. Esaki ta eksigí forsa impaktante, diplomasia, un aserkamentu integral

i un aserkamentu habri i ekivalente. Pa ku esaki konosementu profundo i konosementu di e konteksto, desaroyo i sensibilidatnan di e diferente partinan di Reino (geográfiko, históriko, atministrativo) ta sigur esensial. Ta ferwagt di e DG KR tambe pa e guia e reorganisashon di DG KR den e direkshon korekto, ku atenshon pa e karga di trabou i e input di diferente perspektiva.

Vincent Roozen, sekretario-general di BZK:

‘Mi ta entusiasma ku yegada di Barbara. E ta un direktor-general ku a kustumbrá di kolaborá tantu den e kampo di forsa kompleho di Den Haag komo riba e islanan. Ademas e tin hopi eksperensia ku traha pa i sostené ministernan. Su vishon riba kolaborashon ekivalente i su abilidad pa duna guia tantu di manera stratégiko komo empátiko ta hasié partikularmente adekuá pa e funshon aki. Dor di su enfoke riba konektá, skucha i komprondé, e ta e persona ideal pa krea brùgnan entre Den Haag i e islanan karibense den Reino.’

Barbara Wolfensberger: ‘Mi ta realmente ansioso pa hinka mi kurason i alma den esaki pa huntu ku mi koleganan den e parti karibense di Reino i Den Haag hasi un impakto positivo riba e islanan karibense den Reino.

Tin hopi tópiko ku ta konektá nos; pa ku esaki gustosamente mi ta buska profundidat i konekshon. Tambe den e ministerionan na Den Haag nos por pone mas enfoke pa empená nos mes di manera dirigí, kla i ku ekspertisio pa un mihó kolaborashon i adelanto den i ku tur ku ta forma parti di Reino. Esta un reto bunita!

For di 2017 Barbara Wolfensberger ta direktor-general di Kultura i Media na e ministerio di Enseñansa, Kultura i Siensia. Banda di esaki, denter di e direktiva di OCW, e tin enkargo di e kartera pa e partinan karibense di Reino, pa loke ta trata tur tópiko di OCW. Promé ku esaki e tabata Chief Marketing Officer pa Telegraaf Mediagroep, i di 2014 pa 2027, presidente di e Sektor Tòp Industria Kreativo na ministerio di Asuntunan Ekonómiko.



Promé e tabata tambe Chief Executive Officer na FHV BBDO i Head of Corporate Identity & Communications na HEMA. Barbara a studia komunikashon na Hogeschool van Utrecht.

E nombramentu aki a bini via e prosedura pa e grupo di maneho haltu di e Servisio Atministrativo General, e asina yamá ‘procedure voor de

topmanagementgroep van de Algemene Bestuursdienst’. E Direktorado-General di Servisio Atministrativo General a realisá e reklutashon pa e nombramentu i a sostené e ministerio di Asuntunan Interior i Relashonnan den Reino ku e selekshon. Manera ta kustumber a publiká e vakatura ampliamente pa asina tur hende por a apliká.



IQOS, UN PRODUCTO DI TABACO KEINTA CU TA BIRANDO UN ALTERNATIVA PA HUMADORNAN ADULTO NA ARUBA



IQOS ta un alternativa pa reduci riesgo pa humadornan adulto. Sin huma y shinishi, e producto ta reduci, un averahe di 95% di exposicion na toxico dañino haya den huma di sigaria.

Morris International ta presenta su vision 'smoke free' (liber di huma) pa Aruba cu un plan di distribucion amplio pa IQOS, e compania su dispositivo di tabaco keinta y un alternativa pa reduccion di riesgo contrario na e sigaria tradicional. Casi 100 humador di sigaria adulto riba nos isla ya caba a switch pa e producto aki cu a keda crea y ta mercaada pa Philip Morris International (PMI). Aunke no completamente sin riesgo, ya cu e ta emiti nicotina, cual ta adictivo, IQOS ta reduci grandemente, un averahe di 95% exposicion di

toxico cu por wordo haya den huma di sigaria.

IQOS tin un sistema cientificamente sostiene cu ta keinta e tabaco na lugar di kima esaki, eliminando huma, cual ta e fuente principal di e daño causa dor di humamento. Otro beneficianan cu por wordo haya den IQOS ta cu humadornan adulto ta disfruta di e sabor real di tabaco pero, sin e holon na nan paña, of curpa pa motibo di ausencia di huma y shinishi di sigaria. IQOS ta un parti importante den nos ambicion pa reemplaza sigaria cu productonan sin huma y Aruba tin un oportunidad pa forma parti di esaki. Pa acelera e vision aki, nos ta acercando mas humador adulto mediante diferente punto di benta na Aruba, mientras cu nos ta ofrece tambe tur informacion científico necesario pa e

humador por tuma e miho decision pa nan mes y nan salud," esaki di acuerdo cu Laureano Rodrigo, gerente general di PMI pa Aruba y otro islanan den Caribe. Sostene Cientificamente

Instancianan grandi ta confirma cu IQOS ta un dispositivo pa keinta tabaco fundamentalmente diferente y ta un miho opcion cu sigaria tradicional pa un adulto cu di otro manera lo sigui huma. Por ehempel, IQOS 3 y IQOS 2.4 ta e unico dispositivo alternativo electronico di nicotina inhalable aproba dor di FDA como un producto di tabaco cu riesgo modifica. IQOS ta presente den 70 pais, ya tin alrededor di 20 miyon humado cu a scoge pa e miho alternativa aki. Pa mas informacion relaciona cu e ciencia tras di IQOS: Home (pmiscience.com)

Clasificados

CLASSIFIEDS

SOLODIPUEBLO@GMAIL.COM
CEL. 585 9500

CUSHINA DI NESTOR CEDE DI BBQ

Menú 7 Dec

Ham horna	4,-
1/2 Galinja.	8,-
Lomito Mushrsaus	11,-
Roastbeef.	8,-
Salada batata.	3,-
Arcos con pollo.	3,-
Ajaca.	7,-
Bbq.	18,-

Pa pedido por jama of WhatsApp riba 7497071 por pasa na Siribana 45b na St Cruz.

Nos ta desea tur hende y felis temporada di fiesta di fin di anja.

CUSHINA DI NESTOR CUMINDA DI FIN DI ANJA

Tur prijs ta cu Ham, Galinja of Calacuna
Di cliente

Ham.	45,-	
Jena		
Galinja.	50,-	65,-
Calacuna.	130,- bai ariba.	155,-

10 Persona.

Lomito.	110,-
Roastbeef.	95,-
Salada.	30,-
Arros con pollo.	30,-
Ajaca.	7,-

Pa pedido por jama of WhatsApp na 7497071 ta tuma pedido 22 di december of ora lista jena.

UN FELIS DIA NAN DI FIN DI ANJA

BON NOTICIA

UN IGLESIA CRISTO HESUS A LANTA PA E REINO DI DIOS

Bijbel Exodo 24: 7- 8, den e Evangelio aki, Dios Tata a cera e prome Aliansa cu e pueblo di Israel, pa medio di Moises. Bijbel 2 Samuel 7: 16, den e Evangelio aki, Dios Tata a eligi David, pa bira e prome Rey di Israel. Dios Tata a priminti Rey David cu su sucesornan, cu nan lo ta pa semper encabesa e Reino di Dios. Bijbel Mateo 26: 26 – 28, den e ultima cena Hesus a bisa Su apostelnan: “Boso tur bebe for di e copa di binja aki, esaki ta Mi Sanger, e Sanger cu ta confirma e Aliansa cu Mi ta derama pa hopi hende, pa pordon di pikanan.” Akinan Hesus ta confirma Su Sacrificio y morto na crus, deramando Su Sanger precioso, pa e Aliansa Nobo di Dios Tata, cu ta e Herusalem Nobo di Israel. Bijbel Lucas 1: 32 – 33, ta bisa: “Senjor Dios lo duna Hesus e trono di Su

antepasado Rey David y te den eternidad lo E ta Rey di e descendientenan di Jacob y Su Reino lo no tin fin.” Bijbel Mateo 16: 15 – 19: “Hesus a puntra Su apostelnan: Anto boso mes, ta ken boso ta bisa Mi ta? Simon a contesta: Bo ta E Mesias, E Yiu di Dios bibo! Hesus a bis’e: Felis bo ta Simon yiu di Huan, pasobra no ta hende a revela bo esaki, ma Mi Tata cu ta den Cielo. Mi ta bisa bo: Abo ta Pedro (o sea baranca) y riba es baranca aki, lo Mi lanta Mi Iglesia y forsan di fierno lo no podera di dj’e. Lo Mi duna bo e yabinan di Reino di Cielo y loke bo prohibi na tera, ta prohibi den Cielo tambe y loke bo permiti na tera, lo ta permiti den Cielo tambe.” Akinan Hesus ta bisa bon cla, Mi Iglesia, osea un solo Iglesia y no Iglesiasnan. E demonionan den fierno lo lanta diferente

sectanan na mundo, pa podera y pa kibra e Iglesia di Hesus, pero nan lo no logra. Hesus a duna Simon e nomber Pedro, cu ta significa baranca, cabes visibel di Su Iglesia. Hesus a duna Pedro e yabinan di Reino di Cielo y esaki ta significa, cera y habri e portanan di Reino pa laga e almanan drenta den Reino di Cielo. Hesus a duna e autoridad na Pedro pa dirigi Su Iglesia, di loke ta permiti y di loke ta prohibi. Bijbel Marco 16: 15 – 16, aki Hesus ta bisa Su apostelnan: “Sali pasa na henter mundo y predica e Evangelio pa henter humanidad.” E palabra, sali pasa na henter mundo y predica e Evangelio pa henter humanidad, ta significa, Universal, Hesus Su Iglesia ta Universal. E Iglesia Universal di Hesus, ta e pueblo Nobo di Israel di Dios Tata. Comprende awor, cu tur hendenan, sectanan y e Hudiunan mes, nan mester kere den Cristo-Hesus y nan mester drenta y bautisa den E Iglesia Universal di Hesus, pa nan por drenta den e Reino di Cielo. Hesus a institui, Su doctrinanan di Gracianan di salvacion pa Su Iglesia: Bautismo Mateo 28: 19 – 20, Confirmacion Echonon di Apostelnan 2: 1 – 4, Confesion Huan 20: 23, Eucaristia Lucas 22: 19 – 29, Matrimonio Mateo 19: 4 – 6, Apostolado Marco 3: 13 – 19, Enfermonan Hacobo 5: 14 – 15. Awor puntra bo mes, ta di con tin tanto sectanan na mundo y mientras ta un Iglesia Hesus a lanta? Na

anja 1521, Martin Luther o un frere, teologo aleman a bai contra di e Iglesia Universal di Cristo-Hesus. El a inventa e teoria di e interpretacion liber di Bijbel. E interpretacion liber aki, a produci 36.000 diferente sectanan y oposicionnan na mundo. Tur e sectanan aki, ta pretende di ta di Hesus. Durante tempo, nan a trece hopi division y hopi di nan a lanta nan mesun religionnan, sectanan y predicando e Bijbel den nan mesun manera y buscando hendenan debil den fe pa sigi nan tras. Martin Luther o ta un Protestant, pasobra el a protesta contra Iglesia y el a trece doctrinanan robes den e Iglesia Universal di Cristo Hesus. Den Bijbel Echonon Apostelnan 20: 28 – 30, carta di San Pablo na su coleganan Apostelnan ta bisa: “Cuida boso y di henter e rebanjo na cual Spirito Santo a pone boso como Obisponan pa warda e Iglesia di Senjor, na cual E’l a gana cu Su propio Sanger. Mi sabi cu despues di mi partida, lo drenta lobonan feros cu lo no tene compasion cu e rebanjonan y cu denter di boso mes, lo surgi hendenan cu lo sinja doctrinanan robes y nan lo gana discipelnan nan tras.” Ta manera cu Hesus a bisa den Bijbel Mateo 16: 18, cu forsan di fierno lo purba podera y kibra e Unico Iglesia Universal di Hesus, pero nan lo no logra. Den Bijbel Revelacion 21: 10-14, ta papia, di e ciudad Santo di Herusalem cu

tabata bahando di Dios for di Cielo, briyando di Dios Su Gloria. E muraya di e ciudad tabata tin diesdos piedra di fundeshi grandi y riba nan, e diesdos nomber di e diesdos Apostelnan di E Lamchi tabata scirbi. Esaki ta e diesdos nombrenan di e Apostelnan scirbi riba e diesdos Portanan di Reino di Cielo. E Herusalem Nobo di Dios Tata, ta e Aliansa Nobo di Israel pa medio di Cristo Hesus y e Aliansa Nobo aki, ta e Unico Iglesia Universal di Cristo-Hesus pa e Reino di Dios. Nos tambe den Iglesia ta den e Herusalem Nobo di Israel di Dios Tata. Ta manera den Bijbel 2 Samuel 7:16 Dios Tata ta bisa, cu e sucesornan di Rey David di Israel, cu nan lo ta pa semper encabesa e Reino di Dios. Husga pa bo mes, bo ta den e Iglesia corecto pa bo salvacion? Nunca no ta laat pa compronde e berdad y pa comberti na tempo.

Scirbi pa Seferino Tromp
Un mensahero di Dios.



HACI PAGO DI ABONEMENT ONLINE TA POSIBEL:

APRECIABLE CLIENTELA, SI BO TA DESEA DI HACI E PAGO DI ABONEMENT ONLINE, E TA POSIBEL:

ESAKI TA NOS CUENTA:

SUNMAX PRINTERS - STA. CRUZ 110

BANCO: RBC

NUMBER DI CUENTA: 7700000100152447

DI ANTEMANO, MASHA DANKI.

SOLO DI PUEBLO

SOPI DI LETRANAN

T	A	Q	U	I	C	A	R	D	I	A	Ú	E	Y	K	Q	W	T	E	Z	L	E	M
R	S	A	I	R	A	T	I	D	E	R	E	H	P	A	E	H	C	X	A	L	S	V
O	I	U	A	X	C	D	B	F	Ó	N	Á	Z	H	V	L	P	U	N	R	Ú	F	W
É	S	U	P	Y	O	C	G	A	Á	Ó	F	L	L	A	R	T	O	A	W	R	S	K
O	V	O	H	Á	Q	D	Ú	P	D	R	X	N	D	O	K	I	U	A	Q	E	F	S
S	I	A	I	X	N	R	E	V	H	U	E	O	V	A	C	X	N	R	L	O	O	I
S	X	X	P	C	I	I	L	Y	S	C	L	O	R	A	U	S	T	A	A	Y	B	T
Ú	E	B	W	T	A	U	C	E	Z	E	C	T	R	G	I	G	M	S	C	S	I	U
N	N	L	N	M	G	P	R	O	S	A	S	R	A	E	I	I	A	G	R	W	A	A
Ó	I	E	A	A	V	O	S	C	T	S	I	N	D	I	N	L	P	F	O	L	É	C
Z	S	Ñ	R	I	L	L	E	E	L	C	H	A	H	A	R	J	E	L	F	Ó	G	I
A	Í	E	E	B	C	N	M	C	X	O	D	V	Í	T	B	E	E	P	O	T	Y	O
R	S	B	M	Z	C	O	N	R	O	T	S	A	R	T	Ú	Í	N	C	B	R	F	N
O	B	E	N	I	R	W	S	Á	O	U	A	G	O	R	A	F	O	B	I	A	Í	E
C	T	Ú	A	N	V	Ú	Ó	I	A	I	B	O	F	O	R	T	S	U	A	L	C	S

☐ACROFOBIA☐ADOLESCENCIA☐ADULTA☐AGORAFOBIA☐AGUA☐AIRE☐ALTURAS

☐ANIMALES☐ANSIEDAD☐CLAUSTROFOBIA☐CORAZÓN☐ESPACIOS☐FOBIA☐HEREDITARIAS

☐HUIR☐IRRACIONAL☐LUGARES☐NIÑEZ☐PÁNICO☐PELIGRO☐PROVOCA

☐SENTIR☐SITUACIONES☐SOCIALES☐TAQUICARDIA☐TEMBLORES☐TEMOR☐TRASTORNO



Oracion di dia

UN FELIZ DIA YENA DI HOPI FE Y SPERANSA DEN NOS BON DIOS

"...sino conta e generacion venidero: esta gloria di Señor, su poder, ye cosnan milagroso c'El a haci." (Salmo 78, 4bc)
E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, CristoHesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balar pa cuDios. Pero anos a sigui conta nos yiunan tocante di Dios manera nosgrandinan a haci? Anos a siña e hubentud tocante e milagronan ysacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba ecaminda cu Cristo Hesus a traha pa nos. "...pa nan tambe confia denSEÑOR, no lubida Dios su obranan grandi..."(Sal 78, 7)

SUDOKU

	7					3	8	5
	2					7		
8								
			3		5			
		1			6		4	
					2	8	9	
1	9			5				
6			8					9
5						1	3	2

		8				7		
9	3		4					
			3	8				5
4		3	7			9		
	6				9		8	4
5				3			1	6
	4		1	6				8
					7			

		7			4		9	2
		5		7			1	
					2	5		
		4			6			8
			2			3		7
	3	6	5					
	5							4
7			3				2	
					8			

DEPARTAMENTO DI SALUD PUBLICO TA ALERTA RIBA ANDANZA CU TA CAUSA MALESTAR GASTRO-INTESTINAL



Departamento di Salud Publico DVG pa medio di e relato di prensa aki y riba informacion ricibi di dokter nan di cas, kier alerta comunidad riba casonan gastrointestinal. Otro nomber pa malestar gastrointestinal ta diaree cu por bin acompaña cu sacamento. Malestar gastro-intestinal ta wordo ocasiona pa un virus, bacteria of parasito. Transmission di e microorganismo ta sosode di hende pa hende pa medio di nos mannan. Esaki ta sosode despues cu e persona infecta bay wc y no laba su man of no laba su man suficientemente bon. Tambe transmission por sosode na momento cu un dunador di cuida

cambia un pampers of duna asistencia na un persona of mucha cu a saca y tampoco laba su man suficientemente bon cu awa y habon. Di e forma aki e persona afecta of e dunador di cuida ta transmiti e microorganismo pa un otro superficie caminda cualkier otro persona ta pasa piki esaki y pa via di nos boca e microorganismo ta drenta un otro persona su sistema. Na momento cu e microorganismo drenta nos sistema e por ocasiona dolor di bariga, keintura, diaree y sacamento. Den casonan extremo of cerca mucha e persona por asta deshidrata debi na cantidad grandi di

likido cu eta perde door di keintura, sacamento y diaree.

Pa evita transmision di malesa gastrointestinal ta importante pa pone extra atencion na nos higiena di man. Labamento di man cu awa y habon prome cu come, despues di bay wc y durante cualkier ora di dia ta yuda minimalisa e riesgo pa sigi transmiti e malesa. Desinfecta superficie nan cu ta wordo usa door di e persona infecta (wc, man di porta di baño, unda cu e persona por a mishi)

Na momento cu un persona tin diaree cu of tin sacamento ta importante pa:

- Evita di bay trabou

of di hiba un mucha malo scol of crash.

- Vigila e persona bon pa evita deshidratacion, especialmente mucha y adulto mayor. Percura pa e persona/mucha bebe hopi likido, por ehempel awa, juice di apple, sopi bullion, pedialite y mas. Si e persona no tin apetit pa come ta ok pero ta importante pa e bebe hopi likido.

- Vigila e persona

su temperatura di curpa, si esaki subi riba 38°C consulta cu dokter di cas riba cua medicamento lo ta miho pa uza.

Pa mas informacion like nos Facebook page Directie Volksgezondheid DVG Aruba, Follow nos riba Instagram directie_volksgezondheid_aruba, subi nos website www.dvg.aw, yama nos na 5224200 of mail nos na servicio@dvg.aw

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

